

## **Auszug aus einer Dokumentation der Pfarrei Disentis/Mustér zur Kirche Segnas und deren Orgeln**

...

### **Las orglas**

Gia 1820 survegn la baselgia da Segnas in'orgla cun fol a pei. Ei vegn detg ch'ìl construider hagi imitau cun tibas las vuschs profundas dils cantadurs da Segnas. La menziun da contadurs lai era supponer ch'ei deva gia ina gruppa da cant a Segnas. In pèr decennis pli tord vegn era fatg menziun d'ina gruppa da cantadurs che cantava duront las viaspras e las fiastas. 1905 veva la baselgia gia custau aschi bia ch' ins ha buca saviu cumprar ina orgla nova ed aschia mo acquistau in harmonium. Il harmonium ha surviu duront entgins onns. 1933 denton ein ils parochians sedecidi da remplazzar el entras in'orgla nava dad in manual. Quei instrument ha custau 5050 frs. e duvrava quasi tut il plaz sin laupia sura aschia ch' ils contadurs eran enserrai diltuttastg. Plinavon ha ella era cuvretg la finiastra che rendeva glisch sin laupia. Quei ha beinsavens provocau carplinas denter ils vischins. Aschia han els projectau 1939 in'engrondaziun dalla laupia, igl uestg denton leva saver nuot da quei. Ils 22 d'uost 1967 ha la firma Mathis da Näfels GL entschiet cun la projectaziun dall'orgla hodierna. Ils cuosts ein alla finala seresultai sin varga 30'000 francs. Ins ha rimnau quasi l'entira summa per quell'orgla senza sblundergiar la cassa baselgia. L'orgla posseda dus manuals ch'appartegnan mintgamai ad in positiv, pia dus positivs diltuttastg separai. Igl εμπrem manual ei per il positiv principal, il secund per il positiv secundar. Mintga manual ha 51 tastas. Il pedal cumpeglia ferm duas octavas ed ha 27 tastas. L'extensiun dils manusis tonscha da C entochen d''', quella dil pedal da C entochen d'. L'orgla funcziuna cun ina tractura e registratura mecanic manuala. Ils 9 registers ein reparti sco suonda: 4 el dispositiv principal, 4 el dispositiv lateral ed in el pedal.

...